

ARLeF: a Saponi Pro Loco il menù al fevele par furlan

La Agjenzie a Vile Manin di Passarian, domenie ai 13 di Mai

E torne in vore ancje pe edizion 2018 la colaborazion tra la manifestazion gastronomiche Saponi Pro Loco e la ARLeF (Agjenzie Regjonâl pe Lenghe Furlane). Domenie ai 13 di Mai dal 2018, la Agjenzie e sarà a Vile Manin di Passarian par fâ cognossi al public, intun contest di fieste des tipicitâts agroalimentârs tradizionâls, lis ativitâts di promoziun e di valorizazion de lenghe furlane, e tra chestis lis tantis novitâts editoriâls pai plui piçui. Tal stand, si podaran ritirâ materiâi informatîfs, gadgets e materiâi ludics e didatics pai fruts.

Il leam fuart jenfri teritori, lenghe e produziuns enogastronomiche, che si preste in maniere ottime ancje in clâf di marketing (a son simpri di plui i produtôrs che a doprin ancje lis lenghis dal teritori pes etichetis e pes confeziuns dai lôr prodots), al sarà rimarcât ancje dai menûs proponûts des variis Pro Loco, scrits ancje par furlan in graciis de colaborazion de ARLeF.

Udin, ai 7 di Mai dal 2018

INFORMAZIONS PE STAMPE - INFORMAZIONI PER LA STAMPA

Ufficio Stampa ARLeF CALT relazioni pubbliche Tel. + 39 0432 229127 / e-mail: arlef@caltpr.it

Adriano Del Fabro - mob. + 39 338 3245229 / Adriana Cruciatti - mob. +39 335 6853775

<<<<<<<<<<<